

UGOVOR

o pružanju usluga obuke i provjere znanja radnika Zavoda u oblasti zaštite od požara i zaštite na radu

Zaključen u Sarajevu 05.06.2017. godine između:

Zavoda zdravstvenog osiguranja Kantona Sarajevo, ul. Ložionička broj 2 (u daljem tekstu Ugovorni organ), kojeg zastupa direktor Mr.sci.oec.prim.spec.dr. Samir Turković

i

Granulo-RE d.o.o. Sarajevo, ul. Bojnička 47, Ilidža (u daljem tekstu Dobavljač) kojeg zastupa direktor Ramiz Granulo.

PREDMET UGOVORA

Član 1.

Predmet ugovora je regulisanje prava i obaveza između Ugovornog organa i Dobavljača kao izabranog ponuđača u postupku nabavke putem konkurentskog zahtjeva, za pružanje usluga obuke i provjere znanja radnika Zavoda u oblasti zaštite od požara i zaštite na radu a u skladu sa Rješenjem o pokretanju i komisiji broj 03-08-Dž.H.N.-11080-OPiK/17 od 23.03.2017. godine, Konkurentskim zahtjevom broj 03-08-Dž.H.N.-11080-KZ/17 od 03.04.2017. godine, Obavještenjem o nabavci broj 814-7-2-17-3-8/17 od 04.04.2017. godine, Odlukom o izboru broj 03-08-Dž.H.N.-11080-OI/17 od 15.05.2017. godine, ponudom ponuđača broj 364-4/17 od 24.04.2017. godine i naknadno dostavljenom ponudom nakon održane e-aukcije tj. Obrazac za cijenu ponude broj 365-5/17 od 22.05.2017. godine sa cijenama usklađenim sa cijenom ponuđenom u e-aukciji.

Član 2.

Predmet nabavke je pružanje usluga obuke i provjere znanja radnika Zavoda u oblasti zaštite od požara i zaštite na radu za potrebe Zavoda zdravstvenog osiguranja Kantona Sarajevo prema specifikaciji iz Konkurentskog zahtjeva za dostavu ponuda broj 03-08-Dž.H.N.-11080-KZ/17 kako slijedi:

1. Pružanje usluge obuke i provjere znanja radnika ZZO KS u oblasti zaštite na radu što podrazumijeva obuku radnika ZZO KS za rad na siguran način u skladu sa članom 40. Zakona o zaštiti na radu („Službeni List SRBiH”, broj 22/90) i Pravilima i procedurom o zaštiti na radu ZZO KS broj 01-01-I-9227/17 od 13.03.2017. što uključuje sljedeće:

- Teoretska obuka kojom će se radnici upoznati sa procesima i organizacijom rada, opasnostima koje ugrožavaju bezbjednost na radu, korištenjem sredstava rada i opreme i načinom upotrebe štetnih materijala, mjerama zaštite na radu i razlozima zbog kojih se te mjere predviđaju i sprovode, upotrebom odgovarajućih sredstava rada i opreme i odgovarajućih sredstava lične zaštite, kao i pravilnim i namjenskim korištenjem uređaja i sredstava kojima se služi pri radu, pravima i dužnostima u sprovođenju procesa i mjera zaštite na radu i posljedicama zbog nepridržavanja propisa i mjera zaštite na radu, pružanjem prve pomoći, organizacijom zaštite na radu, korištenjem protivpožarnih aparata i ostalim obaveznim temama u skladu sa zakonom;
- Pismeno testiranje nakon provedene obuke;
- Izdavanje adekvatnog uvjerenja radnicima koji uspješno završe obuku;
- Sačinjavanje zapisnika o provedenoj obuci sa priloženim spiskom radnika;
- Svi ostali obavezni dijelovi obuke koji su definisani zakonom i podzakonskim aktima u polju predmetnih usluga.

K

2. Pružanje usluge obuke i provjere znanja radnika ZZO KS u oblasti zaštite od požara što podrazumijeva obuku radnika ZZO KS iz oblasti zaštite od požara koja se izvodi u skladu sa Programom obuke zaposlenika u pravnim licima, državnim organima i drugim institucijama u oblasti zaštite od požara („Službene novine Federacije BiH“, broj: 59/10) kao i drugih propisa koji regulišu ovu oblast te u skladu sa članom 128. Zakona o zaštiti od požara i vatrogastvu („Službene novine FBiH“, broj: 65/09) što uključuje sljedeće:

- Sačinjavanje plana obuke radnika u oblasti zaštite od požara;
- Teoretska obuka kojom će se obuhvatiti prava i obaveze radnika iz oblasti zaštite od požara, osnovni pojmovi o gorenju i gašenju požara, podjela zapaljivih materija, sredstva za gašenje požara, požarne opasnosti u građevinama i mjere zaštite od požara, uređaji i oprema za gašenje požara u građevinama, postupci nakon dojave požara, detaljna obrada raspoložive opreme, uređaja i sredstava za gašenje požara u ZZO KS, konkretne požarne opasnosti i mjere zaštite u ZZO KS i sve ostalo što je potrebno u skladu sa Zakonom;
- Praktična obuka koja sadrži pokaznu vježbu i praktičnu vježbu aktiviranja aparata i hidranata;
- Pismeno testiranje nakon provedene obuke;
- Izdavanje adekvatnog uvjerenja radnicima koji uspješno završe obuku;
- Sačinjavanje zapisnika o provedenoj obuci sa priloženim spiskom radnika;
- Usmena provjera znanja za radnike koji ne postignu zadovoljavajući rezultat na pismenom testu;
- Svi ostali obavezni dijelovi obuke koji su definisani zakonom i podzakonskim aktima u polju predmetnih usluga.

Član 3.

Broj radnika za koje se ugovara obuka u oblasti zaštite na radu je 155. Broj radnika za koje se ugovara obuka u oblasti zaštite od požara je 130 radnika koji podliježu obavezi ove obuke.

U prvoj fazi nakon potpisivanja ugovora, Dobavljač će pružiti usluge obuke svim radnicima Zavoda koji su uposleni u Zavodu u momentu potpisivanja ugovora (obuka iz oblasti zaštite na radu) tj. koji su uposleni u Zavodu i koji podliježu obavezi ove obuke (obuka u oblasti zaštite od požara).

Ukoliko dođe do upošljavanja novih lica u Ugovornom organu, Dobavljač se obavezuje da će i njima obezbijediti obuku u toku trajanja ugovora do ukupnog broja radnika za koje se ugovara obuka ovih Ugovorom po istim cijenama kako je navedeno u Ugovoru, a o dinamici pružanja usluga će Ugovorni organ blagovremeno obavijestiti Dobavljača.

OBAVEZE UGOVORNIH STRANA

Član 4.

Dobavljač se obavezuje pružiti usluge obuke i provjere znanja radnika Zavoda u oblasti zaštite od požara i zaštite na radu koja je predmet ovog ugovora i koja kvalitetom i obimom u svemu odgovara karakteristikama preciziranim u Konkurentskom zahtjevu za dostavu ponuda broj 03-08-Dž.H.N.-11080-KZ/17, na način i rokovima regulisanim ovim ugovorom i ponudom Dobavljača.

Dobavljač je dužan obezbijediti odgovarajuću prostoriju za obuku iz oblasti zaštite na radu i opremu potrebnu za izvođenje obuke, kao i sve ostalo potrebno za uspješno održavanje obuke. Dobavljač je također dužan voditi evidenciju o radnicima koji su prošli obuku.

Dobavljač je dužan obezbijediti odgovarajuću prostoriju za obuku iz oblasti zaštite od požara tj. za teoretski dio obuke i vanjski prostor za praktični dio obuke, prenosne aparate za gašenje početnog požara, hidrantsku opremu, cilindričnu metalnu posudu, ostala materijalno-tehnička sredstva potrebna

za izvođenje obuke iz oblasti zaštite od požara kao i sve ostalo potrebno za uspješno pružanje obuke. Dobavljač je također dužan voditi evidenciju o radnicima koji su prošli obuku.

Član 5.

Ugovorni organ se obavezuje da od strane Dobavljača primi:

- zapisnik o provedenoj obuci iz oblasti zaštite na radu sa priloženim spiskom radnika i uvjerenjima radnicima koji su uspješno završili obuku
- zapisnik o provedenoj obuci iz oblasti zaštite od požara sa priloženim spiskom radnika i uvjerenjima radnicima koji su uspješno završili obuku.

Član 6.

Ugovorni organ se obavezuje da nakon pruženih usluga, ukoliko one odgovaraju ugovorenom kvalitetu, plati ugovorenu cijenu na način i u rokovima određenim u Konkurentskom zahtjevu, ponudi dobavljača i ovom ugovoru.

Član 7.

Cijena usluge – obuke i provjere znanja radnika Zavoda u oblasti zaštite od požara i zaštite na radu – koja je predmet ovog ugovora ukupno iznosi 707,79 KM sa PDV-om (sedamstotinaisedam i 79/100 KM) tj. 604,95 KM bez PDV-a. Dobavljač se obavezuje da će uslugu iz člana 1. ovog Ugovora pružiti po ovoj ukupnoj cijeni u kojoj je uračunat PDV, i svi drugi zavisni troškovi.

Jedinične cijene za usluge su kako slijedi:

R. Br.	Opis	Jedinica mjere	Količina	Jedinična cijena za 1 radnika bez PDV-a	Ukupna cijena za sve radnike koji podliježu obavezi bez PDV-a
1.	Usluge obuke i provjere znanja radnika ZZO KS u oblasti zaštite na radu	Radnici koji podliježu obavezi	155	2,15	333,25
2.	Usluge obuke i provjere znanja radnika ZZO KS u oblasti zaštite od požara	Radnici koji podliježu obavezi	130	2,09	271,70
Ukupna cijena bez PDV-a					604,95
Popust					0,00
Ukupna cijena sa popustom bez PDV-a					604,95
PDV na cijenu ponude (sa uračunatim popustom)					102,84
Ukupna cijena za ugovor sa PDV-om					707,79

Član 8.

Cijenu iz člana 7. ovog ugovora Ugovorni organ će isplatiti u roku od 30 dana nakon izvršene usluge, dostavljenih zapisnika, spiskova i uvjerenja iz člana 5. ovog ugovora te dostavljene fakture za pružene usluge.

Ag
on
out



Član 9.

Dobavljač se obavezuje da će pružiti usluge koje su predmet ovog Ugovora u roku od 30 dana od dana potpisivanja ugovora za radnike Zavoda koji su trenutno uposleni u skladu sa dinamikom koju odredi Ugovorni organ.

Član 10.

Dobavljač ima pravo na produženje ugovornog roka ako je u izvršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotresi druge prirodne nepogode.

Dobavljač je dužan da Ugovorni organ pismeno obavijesti o svojoj namjeri da zbog navedenih okolnosti traži produženje roka.

Član 11.

Ako Dobavljač zakasni sa izvršenjem usluge, nema pravo na produženje ugovornog roka zbog okolnosti koje su nastale u vrijeme kada je bio u kašnjenju u skladu sa zakonskom regulativom dužan je izvršiti obeštećenje Ugovornom organu za štetu koju je pretrpio.

PRESTANAK UGOVORA

Član 12.

Usluge koje su predmet ugovora će se pružati u periodu od 2 (dvije) godine dana, računajući od dana stupanja ovog ugovora na snagu.

Član 13.

Ugovor može prestati i prije njegovog izvršenja, u slučaju raskida.

Ugovorni organ može raskinuti ugovor:

- ako Dobavljač ne izvršava ugovorne obaveze,
- ukoliko se utvrdi da Dobavljač krši zakonske propise u domenu porezne politike, što uključuje direktne i indirektne poreze i ostale javne prihode, a posebno ako za radnike ne vrši izmirivanje obaveza po osnovu doprinosa za zdravstveno osiguranje, u rokovima i na način utvrđen zakonskim propisima,
- ako Ugovorni organ ne bude mogao da izvršava svoje obaveze iz ugovora,
- ako je zaostajanje u vršenju usluge koja je predmet ugovora takvo da može dovesti u pitanje izvršenje ugovora.

Zbog neurednog pružanja usluga, Ugovorni organ može raskinuti ugovor samo ako je do neurednog pružanja usluga došlo krivicom Dobavljača.

Član 14.

Ugovorni organ će raskinuti ugovor sa Dobavljačem i ukoliko se ustanovi da ponuđena usluga koja je zadovoljila zahtjeve u pozivu za dostavu ponude, nije jednaka izvršenoj usluzi koja je predmet ugovora.

Član 15.

Dobavljač može da raskine ugovor, ako Ugovorni organ usljed vlastite krivice ne izvrši svoje ugovorne obaveze. Ugovor se ne može raskinuti zbog neizvršenja neznatnog dijela ugovorne obaveze.

K

Dobavljač neće moći raskinuti ugovor bez pisanog poziva na ispunjenje ugovornih obaveza uz minimalni rok od osam (8) dana za postupanje Ugovornog organa po pozivu.

Član 16.

Ugovor se raskida pismenom izjavom koja se dostavlja drugoj strani. U izjavi mora biti naznačeno po kom osnovu se ugovor raskida.

OSTALE ODREDBE

Član 17.

Svi sporovi koji eventualno nastanu iz ovog ugovora rješavat će se međusobnim sporazumom ugovornih strana. Ako se spor ne riješi na taj način, ugovorna strana može se za rješenje obratiti stvarno nadležnom sudu u Sarajevu.

Član 18.

Ponuđač kojem je dodijeljen ugovor nema pravo zapošljavati, u svrhu izvršenja ugovora fizička ili pravna lica koja su učestvovala u izradi konkurentskog zahtjeva, najmanje šest mjeseci po zaključenju ugovora, odnosno od početka realizacije ugovora.

Član 19.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakon o obligacionim odnosima.

ZAVRŠNE ODREDBE

Član 20.

Sastavni dio ovog ugovora su:

- Priprihvaćena ponuda Dobavljača broj 364-4/17 od 24.04.2017. godine.,
- Konkurentski zahtjev broj 03-08-Dž.H.N.-11080-KZ/17 od 03.04.2017. godine,
- Odluka o izboru najpovoljnijeg ponuđača broj 03-08-Dž.H.N.-11080-OI/17 od 15.05.2017. godine.
- Naknadno dostavljena ponuda nakon održane e-aukcije tj. Obrazac za cijenu ponude broj 365-5/17 od 22.05.2017. godine sa cijenama usklađenim sa cijenom ponuđenom u e-aukciji.

Član 21.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAČ

GRANULO-RE d.o.o. Sarajevo

Ramiz Granulo

Broj: 31-6/17
Datum: 07.06.2017

UGOVORNI ORGAN

Zavod zdravstvenog osiguranja
Kantona Sarajevo

Mr.sc. oec.prim.spec.dr. Samir Turković

Broj: 03-08-Dž.H.N.-11080-UG/17
Datum: 05.06.2017. godine.



D.o.o. "Granulo-RE" Sarajevo

Promet, inženjering I servis protivpožarnih uređaja
granulo.re@bih.net.ba

Da nebi planulo, pozovite Granulo.

PDV: 200004570000
Poreski broj: 01354009
Šifra djelatnost: 71.20

Bojnička 47. 71000 Sarajevo

Tel. / fax: ++387(033)767-550
Mobitel : ++387(061)135-769

Sarajevo, 07.06.2017.godine

ZAVOD ZDRAVSTVENOG OSIGURANJA KANTONA SARAJEVO

Ložionička broj 2
71000 Sarajevo

Broj: 54-6/17

PREDMET: OVLAŠTENJE ZA POTPIS UGOVORA

Direktor društva GRANULO-RE d.o.o. Sarajevo ovlašćuje gosp. Kurtović Sanelu da može potpisati Ugovor za nabavku usluga obuke i provjere znanja radnika Zavoda u oblasti zaštite od požara i zaštite na radu (u skladu sa Odlukom br. 03-08-Dž.H.N.-11080-01/17 od 15.05.2017.g.)

Ovlaštenje vrijedi samo za potpisivanje Ugovora i nemože se koristiti u druge svrhe

S poštovanjem



"GRANULO-RE" d.o.o.